



Crèsia de su Santissimu Sarbadori



Est sa cresiedda prus antiga de sa bidda chi s'agatat ancora, cotruia in su tzentru stòricu.

Po comentu est fata, si pentzat ca est stètia costruia in sa primu parti de su XII sèculu. Tenit un'àbsidi a nord-est, tres navadas bortadas a bote cun arcus asuta, sa faciada est a capanna e po custu de foras no si bit ca aintru est pratzida in tres partis. Ddoi funt tres portalis, ma scèti si de mesu est abertu e ddoi est postu unu arcali de màrmuri cun cruxi grega cun gurnisa.



COMUNU DE SESTU
TZITADI METROPOLITANA DE CASTEDDU



Su campanili est a vela e in su 1772 de 46 chilus benit posta una campana chi s'est segada in su 1932 e sostituida in su 1934 cun d-una de 50 kg.

Is portalis serraus funt cun arcus a “tutto sesto” ma cussu de mesu est a “arco acuto” chi fait pentzai ca est stètiu fatu prus a tradu cun is maestràntzias chi imperànt s'arti gòtica.


In su 2012 funt stètius postus portalis nous, unu in sa faciada e s'àteru in sa parti laterali.



COMUNU DE SESTU TZITADI METROPOLITANA DE CASTEDDU



In sa faciada ddoi funt cincu fileras de frigus decoraus cun pinturas geomètricas de lìneas deretas e curvadas, cun arrosas inscritas in circus o losangas o rumbus.



Sa navada de mesu est prus manna de su dòpiu de cussas de is fiancus.

Aintru ddoi est scuriu poita ca ddoi funt scèti duas fentaneddas po dònna navada.



COMUNU DE SESTU
TZITADI METROPOLITANA DE CASTEDDU

Is navadas funt pratzidas de arcus apogiaus in pilastrus difarentis po mannària. Una basi de colonna romana est imperada cumentu trancafilu in su primu pilastru de parti de manca.

Is arcus chi funt in is navadas incumentzant de consolas postas asuta de is cornissas.

De importu est sa stàtua de Santu Antiogu, de linna colorada, atribuida a un'artista sardu de su XV-XVI sèculu. Est de linna sbùida, e a is fiancus potat duus aneddus innui si stichint is palus po dda ingolli in processioni.

In su XVIIIS sa crèsia de Santu Sarbadori teniàt unu guardianu nomenau *eremitano* e in su XIX sèculu beniàt imperada po s'eletzioni de su Cunsillu comunali.

Fintzas a unus cantu de annus fait sa cresiedda beniat imperada po sa festa de austu, innui ddoi andànt bendidoris de dònna arratza e si faiant ballus e cantus.